

乾隆杭州府志

杭州府志卷三

疆域 形勢附

四至八到之分列言地理者資實証焉古今之沿革旣覈則疆域之廣輪固可按籍而稽也今杭州枕山負海近與嘉興湖州紹興金華嚴州爲隣遠與江南之寧國徽州接壤重波複嶺蟠拱會垣控制上游引江淮爲襟帶卽疆域以攬其形勢洵東南之都會哉

府

浙江布政使司治東西距一百九十五里南北距七十三

里

元和郡縣志州境東西五百五十五里南北八十九里
太平寰宇記東西六百一十七里南北九十九里
舊

浙江通志東西廣一百九
十里南北袤八十二里

按疆域廣袤累朝各異當以見在版圖爲正今謹錄

大清一統志而以舊省志府志及前代諸志所詳條註于下以

資考證

東至赭山海口六十里

元豐九域志至本州界一百二十里九里自界首至秀州一百二十里

乾道志至浙江沿海郭澱港一百二十九里入秀州界

西至嚴州府桐廬縣界一百三十五里

元豐九域志至本州界三百三十八

里自界首至歙縣一百二十里乾道志至昱嶺二百四十三里入徽州界嘉靖浙江通志西界嚴州之桐廬及

直隸之徽寧萬歷舊志桐廬東梓浦界

南至紹興府蕭山縣界二十八里

元豐九域志至本州界三十四里自界首至越

州九十里 乾道志至浙江
中流三十六里入紹興府界

北至湖州府德清縣界四十五里 元豐九域志至本州界
六十五里自界首至湖

州九十里 乾道志至下塘導墩五十四
里入湖州界 萬歷舊志德清五林村界

東南至蕭山縣界二十八里 元豐九域志至本州界三十
六里自界首至越州一百三

十五里 乾道志至浙江中流三十六里入紹興府界
成化舊志蕭山西興界 舊浙江通志作二十六里

西南至金華府浦江縣界三百四十里 元豐九域志至本
州界一百六十四

里自界首至睦州一百五十一里 乾道志自浙江入溪
至白岸一百五十三里入嚴州界 萬歷舊志浦江金沙

嶺
界

東北至嘉興府石門縣界一百二里 元豐九域志至本州
界一百十六里自界

首至秀州十里 乾道志至上塘七里店九十
三里入秀州界 成化舊志十六都橫溪界

西北至江南寧國府寧國縣界二百八十里

元豐九域志至本州界二

百五十里自界首至宣州二百三十七里乾道志至千秋嶺一百九十八里入宣州界萬歷舊志千秋嶺里二

百八十里

自府治至

京師四千二百里

按一統志浙江統部卷云浙江布政使司在

京師南三千三百里與此不同者當是水陸道里之異各紀

之所以互相備也

錢塘縣

附郭在府治西偏東西距四十三里南北距一百四十里

咸淳志在治北四里東西三十二里南北七十五里萬歷舊志東西距四十五里

東至清泰望江二門與仁和縣分界咸淳志至仁和以市心大街為界一里

西至餘杭縣界四十五里咸淳志以西溪開林酒庫界三十五里萬歷舊志長橋界三

南至富陽縣界七十里咸淳志至蕭山縣以浙江中流為界三十五里萬歷舊志富陽廟

山北至湖州府德清縣界七十里咸淳志至安吉州以狗頭嶺為界五十里萬

歷舊志德清東南至紹興府蕭山縣界二十八里咸淳志以浙江導墩鋪界

中流為界三十六里咸淳志以杜井成化舊志西興界

為界五十五里萬歷舊志分金嶺界東北至仁和縣界四里咸淳志至德清縣以奉口

溪導堆為界五十四里咸淳志以雙橋為界萬西北至餘杭縣界四十里咸淳志以

歷舊志西溪界

仁和縣

附郭在府治東北偏東西偏距六十里南北距七十三里

咸淳志在府治北九里東西六十一里二百步
南北八十四里
舊浙江通志南北表八十里

東至海寧縣界今海寧州六十里咸淳志以上舍涇為界西至錢塘門與

錢塘縣分界咸淳志以四姑橋河流為界一里南至紹興

府蕭山縣界二十八里咸淳志以浙江中流為界三十里北至湖州府德

清縣界四十五里咸淳志以奉口溪為界五十里東南至蕭

山縣界三十八里咸淳志至鹽官縣以緒山石橋為界六十里萬歷舊志蕭山西興界

南與錢塘縣分里咸淳志以後洋街路口為界三里東北

至嘉興府石門縣界一百二里咸淳志至德清縣以博陸村為界八十里成化舊

志崇德縣

西北至德清縣界七十里

咸淳臨安志至錢塘以紆橋中流為界三

里 咸化舊志
德清導墩鋪界

海寧州

在府東少北一百七里東西距一百三十里南北距七十

里元和郡縣志鹽官縣西南去州一百三十里 咸淳志在府東一百二十九里 萬歷舊志府東北一百二十

里 舊志距府
治一百三十里

東至嘉興府海鹽縣界八十三里咸淳志以金山為界西至仁和

縣界四十七里咸淳志以上舍涇為界南至紹興府蕭山縣界四十

里咸淳志以浙江中流為界 萬歷舊志北至嘉興府石

門縣界三十里咸淳志以白塔為界東南至紹興府餘姚縣界六十里

咸淳志以石碁山爲界六十里一百三
十步萬歷舊志至大海四十五里西南至蕭山縣界

五十四里咸淳志自赭山入浙江中流爲界五東北至

海鹽縣界七十八里咸淳志以橫湖爲界萬西北至湖

州府德清縣界四十八里咸淳志以大麻堰爲界

北到

京師四千一十三里康熙海寧縣志

富陽縣

在府西南九十里東西距五十五里南北距一百十五里

元和郡縣志東北去州七十三里咸淳志在府西

東至錢塘縣界二十五里咸淳志以湖塘山爲界西至新城縣界三

十里咸淳志以分派南至紹興府諸暨縣界八十五里

咸淳志以夾巖山為界一百北至餘杭縣界三十里咸淳志以

顧望峴為界二十八里東南至紹興府蕭山縣界四十五

里咸淳志以黃峴為界六十西南至金華府浦江縣界一

百四十里咸淳志以水樂里為界一百八東北至錢塘縣

界五十里咸淳志以積峴山為界四十二西北至臨安縣

界四十五里咸淳志以項山為界三十五

東北到

京師四千三百里富陽縣志

餘杭縣

在府治西北七十里東西距四十三里南北距八十四里

咸淳志在府西四十五里東
西三十六里南北八十里

東至錢塘縣界二十六里咸淳志以閉林為界十里西至

臨安縣界十七里咸淳志以杜塢橋為界十里南至富陽縣

界二十五里咸淳志以牛寶嶺為界二十里北至湖州府武

康縣界五十九里咸淳志以白茆山為界五十里東南至錢

塘縣界三十里咸淳志以雙牌為界十八里西南至臨安縣

界二十五里咸淳志至富陽縣以顧望山為界東北至武

康縣界六十五里咸淳志以石瀨為界二十里西北至湖州

府安吉州今安界七十五里咸淳志以獨松嶺為界九十里

吉縣界七十五里咸淳志以獨松關里七

十五里

東北至順天府

京師陸路三千二百八十里水路四千一百十里

餘杭縣志

臨安縣

在府西北一百里東西距五十三里南北距一百十里

元和

郡縣志東南去州一百二十八里
里東西五十八里南北七十六里

咸淳志在府西九十里
萬歷舊志去府西一

百二十六里
南北袤一百三十里

東至餘杭縣界十八里

咸淳志靈鳳鄉杜塢村為界

西至於潛縣界三

十五里

咸淳志鳳亭鄉橫塘隘為界三十里

南至新城縣界四十里

咸淳志鳳翥鄉

葱嶺為界四十五里
舊志山口界

舊志閭嶺界

北至湖州府孝豐縣界七十

里咸淳志至安吉縣以大雲鄉舍上村界五十里萬東
歷舊志孝豐倪嶺界舊浙江通志作二十里誤

南至富陽縣界三十五里咸淳志至餘杭縣以平東鄉由

富陽芝羅嶺界西南至新城縣界二十五里咸淳志以
舊縣志青樹嶺界萬歷

嶺為界三十里萬歷東北至餘杭縣二十五里咸淳志
舊志荀嶺界三十五里

鄉進賢村為界二十里西北至於潛縣界五十里咸淳
成化舊志進賢西村界

安吉縣以大雲鄉嶼嶺為界六十里萬歷舊志至
孝豐縣陽口界八十里舊志於潛縣西天目山界

北至

京師水行四千一百三十里陸行三千三百二十里臨安縣志

於潛縣

在府西北一百七十里東西距六十里南北距一百十五

里元和郡縣志東去州二百里咸淳志在府西二百三十三步東西六十七里南北一百十里

東至臨安縣界三十里咸淳志以橫塘隘為界西至昌化縣界三十

里咸淳志以新興為界二十里南至嚴州府分水縣界六十

里咸淳志以印渚村為界五里北至江南寧國府寧國縣界

五十五里咸淳志以千東南至新城縣界四十里咸淳志以馬嶺

為界七十五里萬西南至昌化縣界三十里咸淳志以錢村為界

歷舊志浮雲嶺界東北至湖州府安吉州今安

嶺界舊志作金鵝嶺誤

界九十里咸淳志至臨安縣以大清官南溪為界西北至

昌化縣界五十里咸淳志至寧國縣以桐嶺為界七十里

北至

京師陸行三千三百八十里水行四千二百一十五里於潛縣志

新城縣

在府西南一百二十里東西距九十五里南北距九十里

元和郡縣志東北去州一百三十二里咸淳志南府西南一百三十三里萬歷舊志去府西一百四十里

東至富陽縣界二十里咸淳志以衆西至於潛縣界七十

五里咸淳志以寶南至嚴州府桐廬縣界二十里咸淳志以小白

峯山爲界北至臨安縣界七十里咸淳志以金嶺爲界東

南至富陽縣界二十一里咸淳志以深浦爲界西南至

嚴州府分水縣界二十五里咸淳志以桐峴爲界三十東

北至臨安縣界二十五里咸淳志以吳村爲界西北至於潛縣界七

十七里 咸淳志以浮雲嶺為界

東北至

京師四千三百二十里 新城縣志

昌化縣

在府西二百十里東西距九十里南北距一百三十五里

元和郡縣志唐山縣東去州二百四十八里咸淳志在府西二百四十八里三十步東西一百二十里南北一百

四十里萬歷舊志東西八十里南北一百四十里舊浙江通志東西廣八十五里東至於潛縣

界十五里咸淳志以蘆嶺為界一十西至江南徽州府歙

縣界七十五里咸淳志以昱嶺為界九十七里成化南

至嚴州府淳安縣界七十五里咸淳志以黃坑為界七十

北至江南寧國府寧國縣界六十里咸淳志以千頃山為界七十里萬歷舊

志千頃塘及黃東南至嚴州府分水縣界五十里咸淳志花開界七十里至於潛

縣以金雞嶺為界一十五西南至淳安縣界七十里咸淳志里舊志分水縣洪嶺界

沈嶺為界萬東北至於潛縣界三十里咸淳志至寧國歷舊志貢嶺界

界六十里萬歷舊西北至徽州府績溪縣界八十里咸淳志於潛羅紋嶺界

志以舊嵯為界萬歷舊志梭嶺界舊志巖嶺界

北至

京師陸行三千三百二十里水行四千二百五十五里昌化縣志

形勢附

府錢塘仁和附郭

錢唐故縣浙江經其南

水經

東接海南近諸越

漢武帝賜
嚴助書

潘洞浙江論曰胥山西北舊皆鑿石爲棧道唐景龍四年
沙岸北漲地漸平坦桑麻植焉州司馬李珣始開沙河時
河流去胥山未遠也至于錢氏隨沙移岸漸至鐵幢新岸
去胥山已逾三里皆爲通衢居民甚衆及今紹興間紅亭
沙漲其沙又遠在胥山西南矣

演繁
露

江湖險陂物產殷充

文選吳
都賦

川澤沃衍有陸海之饒

隋書地
理志

山川環錯井邑浩穰春秋時吳越爭雄之所也自三國以

來皆恃爲財賦淵藪

讀史方輿紀要

隋置杭州咽喉吳越勢雄江海國家戶口日益增領九縣郊海門池浙江三山動搖于掌端靈濤歎激于城下水牽卉服陸控山夷駢橋二十里開肆三萬室臨莅者多當時名公許謨大政生民受賜由是望甲餘州名士良將遞出

于此郡

李華杭州刺史廳壁記

杭州山川秀麗風物繁華自唐已如此不特南宋建都後始然也其次則蘇州故白樂天憶江南詩云江南憶最憶是杭州又云江南憶其次憶吳宮

蔣塘詩話

錢塘于江南繁大江山甲于天下

杜牧杭州南亭子記

江海上游東南巨屏所寄至重

范仲淹知杭州謝表

錢塘自五代時不被干戈其人民幸富庶安樂十萬餘家

環以湖山左右映帶而閩商海賈風帆浪舶出入于烟濤

杳靄之間可謂盛矣

歐陽修有美堂記

杭于二浙爲大州提支郡數十而通四方海外諸國

蔡襄雙門記

記

吳越地方千里富甲天下大城其居包絡山川左江右湖

控引島蠻

蘇軾表忠觀碑

潮水避錢塘而東擊西陵所從來遠矣沮洳斥鹵化爲桑

麻之區久乃爲城邑聚落凡今州之平陸皆江之故地

蘇軾

六井記

杭瀕浙河雅爲東南一都會民物殷富山水之美名天下

李惠中
和堂記

杭大州也外帶濤江漲海之險內抱湖山竹樹之勝

秦觀
雪齋

記

杭之故封南浙江北具區東大海西天目四川之所交會
萬山之所重複渾渾洋洋隆隆卽卽若金城天府之疆其
民旣庶而且富少怒而多娛若九州三山接乎人世之廬
連延迤邐環二十里邑居攸聚蟻合蜂起高城附之如帶
繞指隱以爲脊折以爲尾湮河塹華不足方比方城漢水

胡敢競美此亦天下之形勢也

鼂無咎七述

浙江羣水赴焉衆山截焉海門二峯屹然特立杭州橫控列城爲國大藩龍山據其首西湖蟠其腹天竺聳其膺東山卧其背樓臺上下如錦繡圖故過其地者必駐軾焉

盧襄

西征記

鳳凰山臨安府正案山也山勢自西北掀騰而來至此山止分左右二翼其後各有山包之東南皆大江西爲西湖北爲臨平湖地險且壯實一都會

雲麓漫鈔

陳亮言吳會者晉人以爲不可都而錢鏐據之以抗四鄰蓋自毘陵而外不能有也其地南有浙江西有崇山峻嶺

北有重湖沮洳而松江震澤橫亘其前此錢鏐所恃以安
國家都之而無外憂者也朱子言建康形勢雄壯然淮破
則止隔一水欲進取則都建康欲自守則都臨安近時言
者亦謂昔人咎宋都臨安遂成偏安之局不知臨安雖偏
前有襟障左右臂有伸縮是以宴安者百餘年六朝都建
康過于淺露荆雍江鄂上游跋扈未有三十年無事者也

讀史方
輿紀要

顧此三吳之會實爲百粵之衝錢氏以之開數世之基郭
璞占之有興王之運天目雙峯屹立于斗牛之上海門一
點橫當夫翼軫之間臨安集秀氣于軒轅吳會孕祥光于

樞府會稽北固堂堂天外之山京口姑蘇眇眇域中之澤
四人俱足八景寬容山勢北來有朝海拱辰之象水流東
去無鬼劫凌奪之憂鳳閣龍樓正當辛地捍門華表怡值
星河上合東宮天市之垣下奠禹貢揚州之域

傳少華臨
安行在表

控吳越帶江山統千里之畿封冠四方之岳收銍簡弗設

桴鼓希鳴

玉海

東望大江巨濤際天西望錢湖玉潔如鏡

楊簡真能
名齋記

湖山之美甲東南民生其間耕腴而汲甘美採而鮮釣既
各足所欲而薪南粲北舳舻相銜與夫江商海賈穹桅巨
舶安行于波濤渺莽之中四方之貨不趾而自集士女歲

時游冶撓蘭楫桂車流水而馬游龍也

咸淳志

夜市三更燦爛樓臺之燈火春風萬井喧闐簾幙之笙歌

方輿勝覽

天下行省凡十有一而江浙當東南之都會生齒繁夥物

產富穰水浮陸行紛輪雜集所統句吳於越七閩之聚訖

于海隅挈民兵二枋而臨制于閩外事任至重

黃潛江浙行中書省

題名記

杭爲郡甲于江左宋之南爲行都地多山谷淵藪峙而爲

巨鎮滙而爲廣涉瑰奇絕勝之觀博大宏豫之俗在方輿

盛且劇今以行省蒞之事之殷地之重視他行省最

王士熙送

楊仲禮浙
西提舉序

北枕江淮南極于海地大物衆供給當天下半

歐陽元江
浙行省興

記造

左連江海右控山谷廣輪延袤千里

洪武杭
州志

山川廻合城郭宏固殷庶之積視他郡縣猶盛

始豐
類稿

杭州地脉發自天目羣山飛翥駐于錢塘江湖夾抱之間

山停水聚元氣融結故其州爲人物之都會財賦之奧區

而前賢建立城郭南跨吳山北堯武林左帶長江右臨湖

曲所以全形勢而周脉絡鍾靈秀於其中東北二隅皆鑿

濠塹南倚山嶺獨城西一隅瀕湖爲勢殆天塹也

楊孟瑛
請濬湖

疏

錢塘縣天目西來龍飛鳳舞形勢壯于東南山川甲于郡國仁和縣外帶江海內抱湖山浙右名區江東奧壤南隣句踐之封北通閩閩之境

舊浙江通志

海寧州

錢塘屬邑鹽官爲最在浙之朝陽爲吳之右臂白鋪江練

青點海門

釋贊寧修志願寺記

海寧東南皆濱巨海

元史地理志

左赭山之險右長安之固東俯滄溟西連沃壤西南爲藩

郡之股肱東北作崇桐之屏蔽

嘉靖海寧縣志

寧邑據三吳上游爲江海門戶邊臨大海文堂硤石之對

峙黃灣石墩之綿聯

浙江通志

邑西南鼉子門乃省城第一門戶石墩鳳凰外峙乃第二門戶此外惟羊許二山特立海中爲第三門戶羊許有防然後石墩鳳凰有蔽石墩鳳凰有防然後本邑可守省城

可固

江防輯畧

宋都臨安以長安鎮抱其要明初築石墩赭山兩寨東西據海之勝嘉靖中島寇果首犯之東陞黃灣北陞硤石亦奧區也元末張氏犯杭州分部自黃灣進

海昌外志

吳越春秋云越封地北至平原註云平原越絕書作武原

今海鹽縣也時鹽與寧未析縣形勢正同而大尖豬籠視
武原百里而近尤爲省會第一門戶越絕書吳築備候塞
非爲獨當東南一面哉

舊海寧縣志

海寧南控大海海上諸山自天目飛舞而來森峙海濱獨
泮江迤逦環邑之北負陰抱陽而山海鬱蟠浩漾之勢藉
此一衣帶水東而扁之

祝以幽泮江塘記

富陽縣

表裏江山號爲重險故吳黃武時分丹陽會稽吳三郡要
害地置東安郡于富春以抗拒之

富陽縣志

縣東水口蕩混無際以觀山爲青龍襟抱環合邑賴以立

咸淳志

遠引既闢近控吳越耿伯宣湖侯圖說

富春以西重岡複嶺界新安而止趙與憲浙西安撫司簽廳壁記

濤江抗其陽羣山走其陰雉堞周宏淵渟瀦洌葉廣居城隍廟記

居杭上游背山面江下通錢塘潮汐往來上接衢婺睦歙

諸水會流天風撼濤奔湧激射號為險絕陳觀吳公隄記

東有赤松輕舉之山西有孫鍾結廬之所南則有嚴陵躬

耕之地北則有雙成飛昇之蹟韓彥端放生池記

形勝雄偉風氣完厚長江縈帶乎南羣山旋繞乎北高城

深隍山水自然之險張居傑城隍廟記

餘杭縣

天目發源徑山雄據南環大滌北控獨松大溪橫截衆水

合流

舊浙江通志

西去九十里皆深山大谷崎嶇險峻中有平壤流泉冬夏

不竭自南以東地漸寬衍諸水支脉連接

嘉靖餘杭縣志

苕溪去縣治不數武橫不越尋丈上接天目下通武林吳

興嘉禾諸郡邑天目萬山之水支分派合會歸于此

戴日強南

湖記

天鄰地絕山回物靜在處奇巧舉可人意

蔡襄游徑山記

杭山水之勝莫如天目天目之勝未如大滌洞天蓋大滌

山水發源天目風氣盤礴岡巒糾纏相望幾百里然後蘊
靈毓秀于此經以苕川之紆餘匯以南湖之蕩莽九鎖外
鍵一柱中擎豈非天地之奇觀仙靈之奧區哉

大滌洞
天記

自天目而北重岡複澗廻環數里獨松嶺傑峙其中嶺路
險狹東南則直走臨安西北則道安吉趨廣德爲南浙二
境步騎爭逐之交

讀史方
輿紀要

九峯雙徑間多設奇據險至獨松關爲江左入浙要衝守
此真有一夫當關之勢決策防禦保障籬藩當備講也

餘杭

縣志

臨安縣

天目之山茗水出焉龍飛鳳舞萃於臨安

蘇軾表忠觀碑

自山陰至臨安多有金堂玉室仙人芝草漢末諸公得道

者咸在

晉書許邁傳

臨安溪山明秀風氣淳固

徐一夔臨安建廟學記

山玲瓏九折自東天目之勝迤北而通徑山幽邃秀曠吳

越希有其水爲茗溪合九水雲源碧澗相映帶

黃鼎象臨安舊志序

如屏如障之山包環于其外錦南錦北之水交流于其中

舊浙江

通志

東有天柱西有天目前有石鏡後有凌霄山川盤結風氣

聚而豪傑出焉

嘉靖臨安縣志

諸水發源不受涓滴于四鄰此其形勢有異于他邑者臨安

縣志

於潛縣

於潛縣北山極高峻崖嶺竦疊東南連山夾水兩峯交峙

反項對石往往相捍十餘里中積石磊砢相挾而上水經注

天目之山巍然西峙若干秋嶺則又北門之關隘也嘉靖浙江

通志

崇岡峻嶺回繞重列水之發于山者三十六源邵文炳興復水利記

武林山脉發源天目潛邑適踞其麓枕西目為屏障綿亘

極天中藏峭壁絕巘詭奇不可殫述張崑玉昨嵒山記

金樓南峙窄嶸西園溪壑幽深傲睨激射舊浙江通志

九鎖交陳雙峯對峙大鳴巖閱武山為錢王屯塞之區皇

甫崖則皇甫嵩破賊之所洪武初命王友恭屯於潛為桐

廬昌化諸軍聲援蓋所以制諸邑也嘉靖於潛縣志

潛為山國岡巒盤錯川原紆迴表衍廣輪甲于省會大縣

於潛縣志

新城縣

大藩之襟帶羅隱東安鎮築羅城記

邑在叢山石齒間許自熊樓記

山迴以秀水遶以清孫清修新城縣學記

山自天目分支至青牛嶺入邑境若析而三之峯巒起伏縱橫森峙而脉絡之可覩者中支西來結地爲縣左右山勢若拱抱然其水二則繞山西下夾縣東趨合流入江縣固奧窔之區也

周天球舒嘯亭記

白道穿村清溪照郭山有百丈之高懸水有七溪之交織

舊浙江

通志

四面皆山二溪合注以達于江亦險阻區也

新城縣志

昌化縣

邑當杭歙之交隱然爲江浙巖鎮

昌化縣志

重山疊嶂南北要津江浙襟喉會城藩蔽

華文甫縣志序

邑署僻居萬山叢嶽中襟帶雙溪倚武隆而鍾靈勝

吳之瑗長

春橋亭記

武隆支脉蜿蜒遙垂五派介于雙溪之間廻拱縣治而龍

岡左峙乃以奠其巒宮

田藝蘅武隆山治平寺記

紫薇銅坑峙其東南千秋黃花枕其西北邃壑深溪紆廻

其下際天蟠地環列四塞

萬歷舊志

東連省會西接徽饒高山崇嶺萃嶽插天培塿崦嵫起復

綿亘彌望皆是

嘉靖昌化縣志

縣西七十里曰昱嶺地勢險阻右當歙郡之口東瞰臨安

之郊南出建德之背置闕于此蓋三郡之要會也

讀史方輿紀要

杭州府志卷三終

杭州府志

卷三

疆域

九

杭州府志卷四

城池 鄉里附

樂史載杭州築城始于隋開皇十年自隋以前無可考矣
唐末改建羅城自秦望山至范浦凡七十里讀羅隱羅城
記當時之興建固有深意哉宋增築內外城祇爲一時權
宜之計至元末而羸縮始有定制明代因之

皇朝牧寧六字設駐防營於會城爲浙江總轄各州縣城垣因
舊制修繕護及鄉里所由永奠金甌于是乎在

府 錢塘仁和附郭

府城周三十五里有奇西南屬錢塘縣治東北屬仁和縣

治門十東曰候潮曰望江正東曰清泰南曰鳳山皆近江

正西曰湧金西南曰清波西北曰錢塘皆近湖北曰武林

東曰慶春日艮山又水門四其濠東起永昌壩並清泰至

慶春門長一千丈九尺自慶春門歷艮山武林至錢塘門

長二千六百二十三丈

大清一統志

隋楊素創州城周回三

十六里九十步

元豐九域志

隋置州在餘杭縣開皇十年移州

居錢塘城十一年復移州于柳浦西依山築城卽今郡是

也

太平寰宇記

方隋築城時吳山東南皆江西北尚鑿石爲棧

道

七修類稿

唐因之

成化舊志

白居易城上詩城上繁繁鼓

鄭谷登杭城詩漠漠江天外登臨返照間潮來無別浦落
木見他山沙鳥晴飛遠漁人夜唱聞歲窮歸未得心逐片

軌還

昭宗大順元年閏九月杭州防禦使錢鏐築新夾城環

包家山洎秦望山而迴凡五十餘里皆穿林架險而版築

焉鏐親勞役徒因自運一甓由是驂從者爭運之役徒莫

不畢力景福二年七月蘇杭等州觀察處置使開國侯錢

鏐率十三都兵洎役徒二十餘萬衆新築羅城自秦望山

由夾城東亘江干洎錢塘湖霍山范浦凡七十里乾寧二

年安仁義田頽攻我請淮帥楊行密攜一僧來瞰城僧曰

此腰鼓城也擊之終不可得行密乃歸

吳越備史

錢氏舊門南

曰龍山東曰竹車南土北土保德北曰北關西曰涵水西

關

乾道志

時城垣南北展而東西縮故曰腰鼓城

七修類

葉錢鏐命

羅隱撰杭州羅城記大凡藩籬之設者所以規其內溝洫之限者所以虞其外魯之祝邱齊之小穀猶以多事不時而城況在州郡之內乎自大寇犯關天下兵革而江左尤所繁併余始以郡之子城歲月滋久基址老爛狹而且卑每至點閱士馬不足迴轉遂與諸郡聚議崇建雉堞夾以南北矗然而時帑藏得以牢固軍士得以帳幕是所謂固吾圉以是年上奏天子嘉以拙政優詔獎飭以爲牧人之道其盡此乎俄而孫儒叛蔡渡江侵我西鄙以剪以逐蹶于宛陵勁弩之次泛舟之助我有力焉後始念子城之謀未足以爲百姓計東眎巨浸接閩粵之舟檣北倚郭郭邑通商旅之寶貨苟或侮劫之不意攘偷之無狀則向者吾皇優詔適足以白榮由是復與十三都經緯羅郭上上下下如轡而應爰自秋七月丁巳訖于冬十有一月某日由北郭以分其勢左右而翼合于冷水源綿亘若干里其高若干丈其厚得高之半民庶之負販童髦之緩急燕越之車蓋及吾境者俾無他慮千百年後知我者以此城罪我者以此城苟得之于人而

梁開平四年八月吳越王錢鏐定損之已者吾無愧歟
捍海塘基復建候潮通江等城門初王親禱胥山祠仍爲

詩一章函鑰置于海門略曰爲報龍神并水府錢江借取

築錢城旣而潮頭遂趨西陵王乃命運巨石盛以竹籠植

巨材捍之城基始定其重濠累塹通衢廣陌亦由是而成

焉吳越備史是歲廣杭城大修臺館築子城有人夜署府門曰

沒了期沒了期修城財了又開池王出見之命易其句云

沒了期沒了期春衣財罷又冬衣嗟怨者遽罷十國春秋宋紹

興二年春正月己未修臨安府城宋史高宗紀時霖雨城壞詔

以修內司所集湖秀等五州役卒就築之嘉靖浙江通志二十八

年增築內城及東南之外城附于舊城爲門十有三萬歷舊志

城東曰便門候潮門保安門新門崇新門東青門艮山門

城西曰錢湖門清波門豐豫門錢塘門城南曰嘉會門城

北曰餘杭門又有水門曰保安門南水門北水門天宗門

餘杭門咸淳志諸門內便門東青門艮山門皆無甕城水門

皆平屋其餘早門皆造樓閣諸城壁各高二丈餘橫濶丈

餘禁約嚴切人不敢登

夢梁錄

車駕駐臨安府其東門絕無

民居彌望皆菜圃西門則引湖水入城中以小舟散給坊

市嚴陵富陽之柴聚于江下由南門而入蘇秀米則來自

北關故諺云東門菜西門水南門柴北門米

二老堂雜志

元旣

取宋禁天下修城以示一統而內外城日爲居民所平至

正十六年張氏陷姑蘇據浙西五郡十九年發松江嘉興

湖州杭州民夫復築焉自艮山門至螺螄門以東視舊則
拓開三里而絡市河于內自候潮門則縮入二里而截鳳
山于外門仍一十有三東無便門保安二門北增天宗北
新二門南嘉會門改曰和寧門成化舊志故報國寺宋宮址也
今已截于外城內稱鹽法察院前為城頭正宋舊東城之

基矣

七修類稿 貢師泰杭州新城碑至正十八年上因江浙行省左丞相達實特穆爾請詔賜臣張士誠光

祿大夫爵太尉設僚屬開府中吳士信榮祿大夫江浙等處行中書省平章政事明年春平章謁太尉曰錢塘東南重鎮地當衝要城郭不完其何以守太尉曰然茲實大役汝其白之丞相丞相謂天方旱民將勿堪議久未決則又曰丞相無憂也當有以處之遂詣太尉請出粟二十萬石以始興築命郡守謝節考觀圖志以諮故實度地植表以正方位視民力上下田賦多寡授之丈尺以均其徭發姑蘇吳興嘉興松江四郡及一州兩縣四隅之民更相作息

以亟其成猶慮夫趨事之或怠也則督部將先築錢塘門
並湖者數百丈爲之程勸且誓群有司曰凡今之爲非徒
勞民且費也勞之將以休其力費之將以衛其財諸君其
勉喻之吾且日視其勤惰矣其自候潮門步至東青門則
平江守周仁治之自錢塘門步至豐豫門則吳興通守陸
大本判官張士俊治之餘杭則嘉興通守繆思恭治之良
山北新清波則松江通守謝禮推官馬玉麟治之和寧與
錢湖則屬之海寧州仁和縣而總其役者實謝節也令下
之日風馳電驅小大奔走莫敢不共伐石于山浮木于江
舟輸輦載千里相屬荷鍤揮杵萬堵皆興不三月而功已
告成凡用石之工一百六十二萬木之工一十五萬塤之
工一百八萬金之工二萬徒一千三百五十萬土石碑甃
灰鐵木植麻桌之數累鉅萬億而不可勝紀也城之周六
萬四千二十尺高三十尺厚視高加十尺而殺其上得厚
四之三焉甃以貞甃錮以堅珉礪堅塗雪立虹貫舊城
包山距河故南北長今則截鳳山于外絡市河于內故東
西廣而廣輪適中焉爲門一十有三東曰候潮曰新門曰
崇新曰東青曰艮山西曰錢湖曰清波曰豐豫曰錢塘南
曰和寧北曰餘杭曰天宗曰北新上各建飛樓四楹而外
爲甕城門皆左右闢其餘艮山清波各爲月城環旋出入

互相屏蔽鑿石爲樞冶鐵爲扇金鋪銅環啟閉有則懸以
飛梁塹以重壕內凡二百步設磴道以上下人馬外凡百
餘步炭方臺以便矢石其上則發號之亭邏卒之舍睥睨
樓櫓連軌飛礮靡不畢具于是崇墉堅壁若天造地設而
形勢爲之一新矣經始于十九年七月十三日迄功于是
年十月某日平章乃諏吉日戎服上馬監軍司馬握刀抽
矢從以鼓吹登城合樂以大落之既事其賓僚將佐相率
請文以垂顯刻固辭不獲而其請益堅遂爲之詩曰瞻茲
錢塘左湖右江提封千里實爲大邦曰隋楊素載興版築
五季之際保于武肅宋復休養生齒日繁仁漸義摩則維
我元盛極則否民亦瘁止狂童口隳四郊多壘不有嚴城
其何以寧乃究乃度乃經乃營乃名長史乃集將校令出
維行是則是倣按圖審勢庀財鳩工師徒嚮應役夫景從
荷鉅成雲揮杵如雨分程攷工各立部伍樹幹林比聚甍
山巍縣梯輓石鬼運神移力作藁藁和聲許許並驅虎符
千雉萬堵崇墉既起壯我雄藩鑿樞承鍵截鐵成關虎符
魚鑰式嚴啟閉動靜應時內外合制昔也無城民何所依
今也城成安堵而居昔也我民朝警夕備今也我民戶不
夜閉我有室家于以康之我有栗帛于以藏之我作我息
我出我入變呻爲謳伊誰之力伊誰之力相臣將臣固我

金湯以衛我人吳山蒼蒼海波不驚天子萬壽四方底平
湯楊維楨築杭城杵歌羅城一百廿里長東藩待此作金
湯舊基更展三十里莫利西門一樹樟不入重門擊柝自古
不見杭州無城賊直入台州有城賊不入重門擊柝自古
來而況四郊多警急愚民莫可與慮始見說築城多不喜
一朝城成不可踰擊家却向城中居寄語築城人城高固
自好更須足食仍足兵不然創闢漳關且難保獨不念至
元延祐年天下無城亦無盜王達翁承獲印辭已亥七月
城錢塘四十萬夫汗翻槩九旬塵沙盡日黃幾夜草上生
輝光凌晨夫長賀得印檀紐瘡文玉澤潤官曹傳看聯六
郡丞名適同丞有分君不見侯王昔者親佩之功業弗建
終棄遺城今萬雉高巍巍呻吟盡化為歌詩時來更取左
顧明太祖命朱文忠取杭州守將潘原明以全城內附遂
因之爲省城門省爲十東城五門曰候潮曰永昌曰清泰
曰慶春曰艮山西城三門曰清波曰湧金曰錢塘南城一
門曰鳳山北城一門曰武林爲水門四在鳳山候潮艮山

武林各門之旁凡城門各有二樓惟湧金無月城止一樓
共十有九水門有樓者武林艮山而已總共雉堞九千八
百三十三堵將臺五十座警舖一百七十一所

舊浙江通志

杭

州前衛百戶吳東昇善楷書憲宗時負重名杭城十門皆
其題額

兩浙名賢錄

成化十一年左布政使甯良議于錢塘門

湧金門右開九渠之一爲河以導湖水鎮守太監李義上
其事從之于是開爲水門闊七尺高九尺入深四丈九尺
嘉靖三十三年巡撫都御史李天寵清負城馬路之侵沒
者自鳳山門迤西北至清波門闊凡三丈餘長不可計三
十四年二月倭將犯杭提學副使阮鶚增築錢塘門月城

雉堞高二尺十二月督撫胡宗憲于清波門南城上築帶
湖樓東南城上築定南樓鳳山門西城築襟江樓各一座
按艮山門南城上有望海樓俗呼跨海樓當亦是時同築
三十五年武林錢塘二門外各浚濠甃閘上構弔橋環城
皆闢有深池是年四月霖雨湖水衝圯錢塘門北城三十
餘丈乃塞濠并毀橋閘焉湧金錢塘二門相去數里中舊
有磴道以便守城者上下頻年盜賊踰城多由于此隆慶
五年十月督撫鄔連令于城之西上築嚴警樓一座分營
兵直宿萬歷二年二月督撫謝鵬舉令所司吏毀磴道
舊志慶春門有水門萬歷二十二年督撫常居敬郡丞涂文

奎開三十一年督撫尹應元右布政范琰議大修城凡二

年竣役

萬歷錢塘縣志

杭城計九千八百五十三堞萬歷四十年

間每堞議用魚脊石板一片覆之用銀一千七百兩有奇

此法儘可通行

湧幢小品

崇正十五年巡撫董象恒用督學副

使王應華形家言塞十門城穴十分之二

舊志

本朝順治七年增築滿洲駐防營于城內西北隅周十里凡五

門

大清一統志

順治十五年總督李率泰檄府增高女牆併

二爲一兼檄各府州縣修城

舊浙江通志

康熙五年永昌門燬

總督趙廷臣重建改永昌曰望江八年清泰門圯知縣何

玉如捐俸鼎新

錢塘縣志

二十四年巡撫趙士麟以城久頽壞

樓櫓俱圯捐俸委府倅斬衰宋德深等修造雉堞既崇聳

彩復麗屹然稱天險焉

舊志丁澎趙中丞重修省城記我浙素稱東南奧區通吳會控閩

皇帝御宇二十有三年當削平亂逆之後顧念民生謂非賢大臣

粵帶江襟海士馬精研財粟盈溢

特簡我大中丞趙公來綏靖之公奉

命至浙甫下車卽延紳士召父老詢以民間疾苦有興利殄害者朝告夕報輒舉以行武林上河淤塞將二百年豪民竊壞舫楫不通為患最鉅是年冬月首先濟河奮濁疏流增防榮岸水復故道民庶歡然明年夏河工竣會

天子詔天下修輯城隍而武林自

國家奠定四十餘年崇墉雉堞殘圯已多且水陸城門樓櫓頽毀居半卽有存者亦制度狹隘風雨蝨蝕不稱傑觀公乃于濬河之餘更復捐俸募助躬親勞來百司奉職庶工趨事始于仲秋成于孟冬睥睨堅整雉堞雄麗或創其新或輯其舊水陸之門十有六門之樓櫓二十有五女牆不可勝計無不巍然煥然嵒嵒屹屹較諸曩日之制固茂壯大殆將五倍且城禁久嚴居人不得上登公獨于落成之

天子命

日弛禁一月縱民遊覽于是士女駢肩接武如入市墜莫不悅昇平之時觀豐樂之象以爲我公能奉而感嘆曰大哉公之功乎然非僅公之功也自古未有學不醇德不厚而能建鴻勳樹偉績者卽以修城一事言之前此非無議及然或畏營繕無資或憚勞民聚怨是以歷年雖遠卒鮮興修公獨毅然行之上不損于國賦下不括于民財橐鼓無聲市肆不擾而周環四十里之金城輪囷數十樓之結構倏忽締造宛如神輪鬼工此非學正而心誠者能感孚之捷如此哉浙之士民欲頌公而公之善每不勝述予卽因此一事以述其梗槩

鳳山門在城南其地內屬錢塘外屬仁和唐末錢鏐築羅城環包家山東亘江干名南門曰龍山門門卽在包家山下七修類稿謂六和塔西臆度說也南宋名曰嘉會時南城包絡宮城最爲長展西際慈雲嶺東沿包家山其門則

較今偏近于東夢梁錄云嘉會門城樓絢麗爲諸門冠過
南郊五輅由此幸郊臺路元末改築城縮入二里因宋宮
城北之和寧門以爲南門卽以和寧名之並開水門抵龍
山閘以通江濱網運出入明初易名鳳山俗以其當治南
呼曰正陽

大清定杭陸門水門皆因之

舊志 陸游四鼓出嘉會門赴南郊齋宿詩客游梁益半吾生不死

還能見太平初喜夢魂朝帝所更驚老眼看都城九重宮闕晨霜冷十里樓臺落月明白髮蒼顏君勿笑少年慣聽

聲

候潮門今東南第一門也內屬錢塘外屬仁和

舊志

梁開平

四年吳越王定城基建有候潮門宋時城東七門候潮之

南尚有便門元末自候潮門以西縮入二里便門因廢有

水門亦元末建

舊志孫一元候潮門眺望詩漸門東倚浙江開千古寒潮天上來春樹遙連嚴子

瀨白雲長在越王臺仙旄隱駐扶桑遠羌笛橫吹折柳哀何處青山堪託迹欲隨徐市入蓬萊

望江門東南第二門也內屬錢塘外屬仁和南宋時謂之

新門門外富景園東有南新草橋俗因呼草橋門舊志新門

在炭橋東蓋以吳越子城有炭橋新門云然七修類稿亦名新

開門南宋所新設元末改名永昌夢梁錄

國朝康熙五年改名望江門門南宋有保安門一名堰門元末

省又吳越時羅城東南有竹車門在今望仙橋東南約與

宋保安門址相近舊志毛先舒永昌門晚眺詩東城車騎盡紛紛憑眺江門日已曛鳥落射坡

驚似電牛歸沙岸黑連雲非烟宮闕三山近返照
河梁一水分吳越興亡春草裏酒樓長對白鷗群

清泰門在城正東內屬錢塘外屬仁和其址卽吳越南土

門也宋時門廢有市循其名舊志南土門市在崇新門外四

里咸淳志舊俗呼薦橋門今俗呼螺螄門舊志

慶春門東北第二門也內外俱屬仁和吳越名土址門宋

名東青門舊志北土門市在東青門外三里咸淳志門外舊有

菜市太平二橋時俗又呼門曰菜市門太平門舊志有水門

明宏治間塞萬歷二十二年復開仁和縣志蕭彥毓清
頭楊柳暗藏鴉江上鵝兒浴淺沙早起一風如此惡路傍

落盡刺桐花陸寅慶春曉角詩清曉遙聞清角長何人

聽徹不沾裳却憐萬里南
飛雁錯認江城是故鄉

艮山門東北第一門也內外俱屬仁和東北隅有艮山故名門內有順應橋一名壩子橋俗因呼門爲壩子門有水

門元絡萊市河于城內因設此以達其下流注上塘河

舊志

厲鷄艮山門外晚眺詩吳天入時涼似水袂衣出城四三里城角遠山青半環分得濃嵐落漁市荒陂綠繞行何求雲影水中凝不收蓬科誰與作都祭陰森大樹堪蔽牛幾家叢薄徑微窄雅髦閑籬窺過客棧樹散葉覆深井薜荔牽絲護欹壁喜聞川水夜初滿不道瓠花朝更坼半虹忽墮橫一橋恰當高處風刁騷四天萬綠染未銷峯尖黃鶴如可招畫本彷彿臨山樵深林絕澗藏過雨山中茅屋愁漂搖道旁日暮紛紛惆悵白荷欲語嬌相向斜倚珠盤踏寒浪菰蒲低處見船行弭權無人能一訪我時小極因廢書消憂起病兩有餘但思臨平攷古蹟安得湯鎮謀村居朝廷蠲租詔寬大官府勸農意樂胥携奴亦可號盤室息影頗願開蝸廬試歌元豐歲連稔姓氏何必聞鄉閭

按今之艮山相傳元末築新城累土爲之而艮山門之

稱宋時已有舊志以爲因山得名非是仁和志謂門位
于艮易艮爲山或近之又按吳越時東北門曰保德七
修類藁保作寶云在艮山門外

清波門在城西南內外俱屬錢塘唐末築羅城洎錢塘湖
直至雷峯塔前其門名曰涵水卽宋改清波者也舊志清波

門俗呼暗門

咸淳志

亦名闇門

陸游入蜀記

清波之上宋有錢湖

門吳越西關門也門內爲清平山俗因呼清平門元末張

士誠猶設有此門明初塞

仁和縣志

湧金門亦作涌金在城正西內外俱屬錢塘錢武肅王築
羅城時無此門清泰三年文穆王元瓘開涌金池以引湖

水因有是稱宋名曰豐豫門舊志豐豫門舊名涌金咸淳張

君房說云其地卽古金牛出現之所故以爲名雲麓漫鈔湧金

門亦稱小金門明初復舊名門依湖以爲外勢故無月城

有水門明成化間開

國朝康熙四十四年濬廣舊志貢性之涌金門見柳詩湧金

一枝入城去教人知道已春深

按小金門之稱見楊萬里集

錢塘門在城西北內屬仁和外屬錢塘舊志錢塘門者蓋自

前古以來居人築塘以備錢湖水之所也雲麓漫鈔今天下名

城各屢改其城門之號惟蘇州諸門與杭之錢塘門猶仍

古名

湧幢小品

錢塘門一名九山城

武林舊事

成廷珪曉出

樹碧紛紛一雨破清曉四山生白雲僧樓緣嶺出樵徑過橋分明日重攜酒來澆和靖墳區大相出錢塘門覽古詩駐馬錢塘路逢人說勝游湖光吳苑晚山色宋陵秋岩桂密連寺渚花高映樓感懷六橋月不照汴河流

武林門在城北內屬仁和外屬錢塘吳越時設關於此故

名北關門

舊志

武林門宋改曰餘杭門旁有水門二一曰餘

杭水門一曰天宗水門城內諸河水皆由以達上下塘河

元末以天宗改爲陸門一名小北門又增設北新門與故

有之餘杭水陸二門爲門凡四明初以天宗北新閉塞祇

留水陸門各一復舊曰武林至是名再改矣

仁和縣志

陸游訪客至

北門抵暮乃歸詩北郭那辭十里遙上車且用慰無聊九衢浩浩市聲合四野酣酣雪意驕清鏡新磨臨綠浦長扛

橫絕度朱橋歸來熟睡明方起臥聽鄰牆趁早朝
望北關門詩萬里雲開瑞日明雕甍遙接九重城
鳳紅雲繞關度青牛紫氣迎新第千門俱收觀舊溪
二紀謾關情今宵且向橋頭宿又聽簌簌打六更

海寧州

州城周七里有奇門五元末因宋址築濠廣五丈南臨海

無濠

大清一統志

祥符舊志云鹽官縣城周四百六十步高

二丈唐永徽六年築

咸淳志

舊城入元圯至正十九年江浙

行省命左右司都事陳元龍重築高一丈五尺周七里九

十步

萬歷舊志

貢師泰城海寧州詩序海寧故鹽官縣

入于海民吏驚懼捍以數郡之力而決猶不止朝廷遣使
沮洳沉馬而祝祭之幸得寧遂改今名大抵境內地下淖
浙分省檄左右司都事陳君元龍相其地勢而興築焉君

城池

至則下令聽民自定其力之上下以均其徭有不實輒治之并以坐吏于是奸豪懾服貧儒感慰小大相勸萬手並作不數月而堅壁高壘屹然爲東南保障矣城旣落成州之寓公及其大夫士咸歌詩以美之而屬予序首簡胡奎築城謠漢無鹽官城隋有鹽官城唐有鹽官城宋無鹽官城荒城蕪沒知何代惟有東流水長在蓬萊清淺幾桑田精衛年年塞東海前年無城禦邊烽去年無城機杼空今年長城高百尺誰其主者陳元龍重城鐵鎖黃金鑰刁斗無聲夜停柝七星掛城明月低萬戶千門慘清角何當四海車書同蒼生樂育康衢中明年開城看歌舞城南城北春明洪武二十年沿海設衛所備倭信國公湯和增築花紅城五尺永樂十五年都指揮谷祥加堞二尺共計高二丈二尺城門五東曰春熙南曰鎮海西曰安戍北曰拱辰東北曰宣德每門有樓樓左右翼以箭樓而環城列窩鋪者四十有九每門有官廨而廨之外隸以月堦門之側有水

門三一在拱辰門西一在宣德門北一在安戍門南門外
各有板橋跨濠以通水陸嘉靖三十四年邑令蔡完以倭
警後加高城塼五尺增添女牆及巡警鋪四十五所敵臺
二十四座又浚城河加深五尺共深一丈有五尺

舊海寧縣志

國朝順治十一年令秦嘉系繕城浚濠又構層樓于拱辰門

舊志

秦嘉系北城城樓詩驚極天開峙海隅嚴關鎖鑰愧分
符聲中白馬朝昏辨檻外青峯左右圖桑野耕耘連北郭
人家飲濯半西湖綢繆豈為窮登覽望闕心懸萬里鳬

康熙十三年知縣許三禮修

城九舖十五年久雨城壞重加繕葺

海寧縣志

雍正五年欽奉

上諭檄知縣胡杲修築完竣雉堞整固樓櫓一新

浙江通志

富陽縣

縣城周六里門四西北環門有濠東南臨江大清一統志周

六百步高一丈濠闊一丈五尺舊傳咸通十年縣令趙訥

修築

咸淳志

唐趙訥築城去今城二百七十步

名勝志

元至正

十六年江浙行省參知政事楊完者重築周回三里元末

毀

成化舊志

明嘉靖三十五年知縣桂軌築城于舊城東南廣

六里延袤一千丈有奇厚二尋高一丈四尺內外俱甃以

石雉堞一千二百堞爲門者四東曰昇平南曰萃和西曰

康阜北曰連順俱有樓又開三小門以便出入并開水門

以疏奔湍隆慶五年分守叅政李淑又于儒學前闢城門

曰文明

萬歷舊志

田藝蘅富陽桂大尹招燕城樓有贈詩西樓醉倚興何長襟帶江山共一觴此日萬家

開保障我公三邑作金湯笑談客裏驚秋暮歌鼓天邊又夕陽爲愛南州炎桂好周詩何獨頌甘棠城東跨

觀山西臨苧浦南俯大江北帶後河

國朝康熙十年重加修葺計城周圍實一千四百四十六弓知

縣牛與自爲之記尋復多頽損二十年春知縣錢晉錫捐

俸修築東南二面城建南門大觀樓亦自爲記

富陽縣志

雍正

七年總督李衛委知縣朱永齡開濬北門外一帶城河

浙江

通志

按讀史方輿紀要引城邑攷云明初常繕治嘉靖三十

五年復營磚城周四里有奇與志所言小異

餘杭縣

縣城周三里有奇門四南臨茗溪

大清一統志

舊縣城在溪

南周回六里二百步東漢熹平二年縣令陳渾徙于溪北

後復治于溪南後唐時號爲清平軍城錢武肅王修廣其

濠宋雍熙初再徙溪北周五百四十三丈高一丈三尺下

廣一丈五尺壕闊二丈五尺城門四曰榮春湖光迎波永

豐

咸淳志

舊城入元圮至正十六年浙江行省參知政事楊

完者仍于溪南築城周三里內附後毀

成化舊志

明正德九年

知縣唐鵬重建四門榮春門在東街三里許迎波門在西

街二百步許湖光門在南街一里許永豐門在北街二百

步許迎波湖光二處疊石爲臺建重樓如城之制

嘉靖餘杭縣志

嘉靖三十五年知縣吳應徵因寇亂築城自西迤北至東
五百丈高一丈八尺自東迤南至西二百三十丈高三丈
二尺周廣一丈六尺雉堞一千三百四十三堵爲門四南
曰對熏北曰拱極東曰賓陽西曰秩成無濠南臨溪有水
門二萬歷五年知縣濮陽柴重建通濟橋南關一座安樂
橋東關一座皆石甃爲臺下爲門萬歷舊志城內外俱有馬路
可通走馬惟南城無萬歷三十二年知縣程汝繼以形家
言四城門不宜相對徙北門過西三十丈東門過北三十
丈東門外增築月城曰啟秀四十二年臨溪東南城圯三
十餘丈知縣戴日強重築餘杭縣志金學曾改建城東
門啟秀樓記啟秀樓者程侯新

餘杭東門樓而名之蓋取謝朝華于已披啟夕秀于方振
語也先是侯採形家言謂天目之秀夾錦溪而下邑西門
實迎受之顧東西門對峙路則直亘于勢弗蜿蜒虞其氣
易以洩也于是用一丸泥封之稍折而北數百武穴其故
城樓建百尺外築石垣如半月以屏其穴鑿尹公蹇引苕
水以入使達于左而鐫合于縣學之陰若令天目之秀鬱
淳凝固使不易散文學沈君煥然謂不可以無記也走余
廬請焉若謂程侯德政業已建祠勒石此獨無記非所以
識不忘也余曰有是哉微石侯其忘乎蓋至人治世其所
淪浹于民者非德耶顧德之粗述在建豎之間而德之菁
英皆噴薄于虛明景物之際蓋人有代謝而德無去留苟
其人誠不可忘將有觸景會心無之而非是者吾聞啟秀
之樓也鳳山翫列若水紆迴浮屠筆立林莽蕭森則斯樓
之大觀矣時朝霞絢綵金碧輝煌時皓魄東升瑠璃映徹
或沙明水淺鷗鳥容與驟而春漲硖擊則雲浪排空或白
苧採菱歌聲欸乃倏而葉落林疎則秋江橫月千家烟火
閃爍斗星四顧雲山蒼茫圖畫登斯樓也觀斯景也侯之
流風餘韵宛然觸目會心河洛禹功棠陰召澤侯固有所
以不忘者在也何必峴山之碑乃有羊叔子哉沈君曰唯
唯雖然古有之仲山甫城彼東方吉甫爲詩頌之夫有吉

甫之頌而山之烈益彰則程侯之樓信美得先生之記以傳則侯之美不愈遠耶余因爲之記侯諱汝繼字敬承別號志初

國朝順治十八年令宋士吉議修築城未竟康熙十年令張思

齊續加修築舊志康熙二十二年知縣龔燦增修雍正六年

知縣何儻重修浙江通志周容餘杭北城登眺詩草木

歸舟橫略一行驚亂啼何處
鴉濞山雙逕外咫尺近城樓

按咸淳志引縣令陳渾移城事見水經注元楊鄂勒哲
所築一名營盤城舊稱溪南橋尋廢今城在溪北故址
明初因而修建者也宋時溪北有壕闊二丈五尺今亦
廢

臨安縣

縣城唐末吳越築後圯明嘉靖中設土垣周五里門四有

濠

大清一統志

唐垂拱時復置臨安縣未有城五代時吳越

增築

城邑攷

舊城依太廟山周五千五百六十步池在東北

錢鏐時名衣錦城爲門四東曰迎恩西曰惠政南曰望錦

北曰拱辰後圯而址猶存

萬歷舊志

明洪武初遷縣治于東市

嘉靖五年令廖瑜仍立四門東曰會錦西曰聚金南曰迎

薰北曰拱極街巷各豎木柵以防夜警三十四年令魏希

古設爲土垣以防倭年久亦圯萬歷三十六年令黃鼎象

修理四門補築土垣門固而垣被雨壞三十八年奉文製

軍器分散四門捕兵守禦焉

萬歷臨安縣志

國朝因明之舊土垣內外俱屬民產隨業修葺歲以爲常

臨安縣志

按吳立臨水縣晉改臨安晉時之城見水經注所謂因岡爲城南門尤高者是也舊志謂其城在今城之北不可攷矣今城爲吳越時建宋元遷移明始復故是吳越之城卽今城舊址詳見古蹟卷中

於潛縣

縣城周五里門三元末築明洪武初以縣非控要之地且

岡陵重複遂不置城

大清一統志

古城在縣北二百四十步

耆老相傳隋開皇十三年越國公楊素築今城周四百五

十二步高一丈五尺厚五尺基厚一丈八尺壕闊一丈八

尺深四尺

咸淳志

元至正十七年江浙行省參知政事楊完

者重築自金鵝峯而西由石龍口直抵縣後山周五里高

一丈五尺厚一丈壕闊一丈爲門三西曰錦江南曰迎恩

北曰仰山其東則以山勢逼阻不置門

成化舊志

明洪武後城

毀濠堙門雖存而城濠故迹不可復攷

於潛縣志

按昌化尚有東西關及城樓之建而於潛獨未及也陳

善著論以爲一勞期于永逸豈曰厲民暫費以圖久安

不爲踰節蓋爲築城計也浙江通志于元至正重築下

不復置辭修築之事仍未議及云

新城縣

縣城周三里門四有濠

大清一統志

縣因山爲城周二千五

百七十一步高二丈三尺大順二年杜太師稜築羅隱撰

記有門四東曰熙春南曰太平西曰順成北曰寧海

咸淳志

羅隱東安鎮新築羅城記杭之別郡舊有八都之目其所
以破山偷旌八將之功所致也而東安主領太師杜公尋
以擒逆賊薛朗于京口破丁從實于毘陵天子寵之拜常
州刺史遂屬其兵于弟焉撫于內者曰建思禦于外而
弭寇推凶者曰建徽經度于季孟之間者曰建威泊太師
解印而歸淮叛淝倫連壓封部元帥大丞相彭城王始授
君以版築之要濠塹之廣表地里之橫亘皆取則于丞相
一之日鳩其民人相其險易惟師有令衆克從之二之日
度其資費卜其力用經之營之厥畫惟稟三之日命其將
李可球胡僅等曰汝常從役于杭必能識大丞相意善匠
事勿令不如丞相指揮起大順辛卯年秋七月壬戌訖于
明年夏四月庚寅蟠東臺西離連坎接隆者就之窪者盈

之民不弛擔時不妨農夏五月太師犒羣師于城下若杵
若畚者皆與焉不三四年淮南節度楊氏行密以稱盜豕
突剽衝擾我疆境而東安尤爲其所忌行密揀安仁義之
精銳分田頽陶雅金威之敢勇以攻東安城樓櫓翔空矢
石交迸朔日我軍憑其城斃賊將于城下者其數盈千濠
塞塹堙自是羣寇不復有圖南之意是知人非城則無以
爲捍城非人則無以自固不有城也人何以安不有將也
城何以堅于時紫溪窺堡火口建寧下守靜江無將奔我
而活四鎮之生聚焉噫天下之無事也吾鄉則有河間凌
準宗一濮陽吳降下已汝南袁不約還朴以文學進天下
之有事也吾鄉則有太師建徵伯仲及諸將佐以武藝稱
豈文武之柄倚伏而然也抑江山稟受與時消息者乎隱
亦常以先師之道于名貢府進取未半九鼎羹沸文旣不
用武非所習今則老矣高謝三軍太師以鏑金勒石見徵
不敢堅遜乾寧五年
六月二十一日記

咸淳志有宋天禧五年三月知杭州

王隨撰築新城城記則宋嘗築城矣今無考記亦闕

萬歷舊志

城今圯濠與遺址僅存

成化舊志

吳越時杜稜築城鑿隍引堰

水注之堰去城八里往往不得達明天順六年郡守胡濬

至邑相度築塔山堰開溪導流以入壕壕內地接通城河

凡五里許

新城縣志

嘉靖三十四年因倭亂知縣范永齡築城

周三里計六百餘丈高一丈六尺厚倍之城門樓四雉堞

五百七十堵爲門者四東曰元始南曰亨通西曰利遂北

曰貞成

萬歷舊志

張哀築城記嘉靖乙卯倭夷螫害東

守土之吏警聞震悼莫不築城思與民固新城爲杭之屬

邑處山谷之中依山爲險未有城至是范君永齡始成之

范君之令新城也潔已自愛當百姓流離君厚意綏來之

保其幹止乃下令國中大修築城之政言狀于撫巡二臺

洎藩臬郡守諸公咸建之當是時公帑無羨餘而苛責私

錢又所不可君乃檢民欺贖得匿稅之畝四百五十侵公

之地五十畝九分旁措贖膏之金二千六百七十風動巨

室願以貲助者二千四百八十有奇總得若干緒毅然興

城池

事乃命土工金工石工執器用新幹畫封陶甃鑿緣山而城山勢峯尖趾闊取土而培齊其上下補山之缺等峯之高塞坎夷險直視無頗聯絡迤邐雉堞相輝甃甃然斧片然赫乎顯觀矣經始于嘉靖丙辰八月凡四越月而城成城高一丈六尺墻梁高出五尺周遭計三里有餘總一千二百十三步四向爲門門有樓有額若君所自署取諸易而裁成之意見矣新城之父老先之以憲副方君廉申之以學諭曾君乾佐同其弟子馳書屬予爲記張雲鵬登新城樓詩下馬登樓眼界明夕陽萬樹古今情元英居易今何在依舊青山遶縣城雷應登新城縣城詩滿衣塵土到山城殘暑薰人尚未平落日雲烟供晚眺西風禾黍望秋成題詩聯記當時事勒石誰期後世名記爲坡仙曾有語亂山深處長官清東門舊二後塞其一萬歷元年重開共爲

門五三年知縣溫朝祚增築女墻高三尺五寸池環如城

舊浙江
通志

國朝康熙十一年濠淤漸平知縣張瓚重濬之
舊志
雍正五年欽

奉

上諭檄知縣羅熿增修

浙江通志

昌化縣

縣城周七里門三有濠元末築明立東西二關

大清一統志

城周三百六十步壕闊一丈五尺久廢惟古木環城基

咸淳

志舊城高一丈五尺廣如之門三東趨京西三瑞南登龍

北負唐山不設門南因溪以爲池後圯

嘉靖浙江通志

元至正十

七年江浙行省參知政事楊完者築自登龍門而東轉唐

山西南至溪許凡七里餘高一丈五尺厚一丈八尺門三

仍舊名內附後城毀門存

成化舊志

明隆慶三年七月知縣周

易請于巡撫都察院谷中虛創東西二關

萬歷舊志

萬歷二十

年令周洛都因島逆告警于關內充拓舊規各建城樓加

以睥睨女牆臨溪屹立今東西郭及城東門惟毀堞僅存

舊志

鄭放重建城樓記昌為虎林巖邑堤岡連亘沆漭

周繞宋咸淳依山為塹設三門東曰趨京西曰三瑞南曰
登龍今遺址巋然而名數易南由蹊徑不屬莊趙東望微
嶺而帶長春西抱清潭而控石壁上接檄壤下聯閭越險
要若是城門之設良重矣百餘年來塹塹崩弛屬樓闕剪
縮肉因循列卒汜艷殊為畔渙巨測懷懼臨淮雲麓周侯
以已丑冬宰是邑顧瞻東西日馳繞弗恬即于次思撤其
舊而圖新遂捐俸贖各三十傭工率役建東西城樓各三
楹屬老人童吉猷黃致中輩程督乃事度廣狹分番築計
徒庸量材用先之擴基次緣垣高二丈有奇廣一丈九尺
長二丈許門二城雉五監棟飛甍重簷密護覆以陶瓦砌
以甃石兵列蘭鐙兩樓一則扁其東為赴省西為望京是
役也經始于壬辰二月之

望甫三閱月而落成焉

國朝康熙三十六年知縣林培修築東西兩關

昌化縣志

鄉里 附

錢塘縣

舊有二十五鄉今一十一鄉

太平寰宇記

錢塘縣管十三鄉履

泰南鄉管里三 放馬 胭脂 黃妃 履泰北鄉管里

六 黃山 石塘 掃帚 西堰 師姑 青枝 惠民

鄉管里六 夾城 柴場 羊角 乳臺 馬城 印墓

調露鄉管里六 臨潭 三堆 板橋 狗葬 潘塘

駱家 靈芝鄉管里五 梁渚 筍山 前梁 後梁

胡林 孝女南鄉管里四 長平 橫樂 楊山 奉

口 孝女北鄉管里五 安溪 萊豆 下墟 上墟

雙牌 崇化鄉管里六 方山 蓀山 百步 長秋

蔣村 上涇 欽賢鄉管里六 涇山 西溪 韓家

蓀弄 東木 上步 定山南鄉管里四 沙蕩 胡步

滕村 分金 定山北鄉管里四 排山 徐村 牛

坊 南蕩 長壽鄉管里四 淡竹 大斗 凌溪 白

昇 吉安鄉管里三 楊村 社井 轉塘咸淳志 錢塘縣

坊十有一 南壁里一 西壁里一 太平里一 豐寧里一 馨

如里一 斯如里三 保安里三 芝松里二 松盛里二 南良里三

北良里二 以上俱在城 隅七 城南上里五 柵外里三

城南下里三 尉司上扇里四 尉司下扇里五 城西里二 城

北里二 以上俱附郭 鄉九 履泰里七 調露上分十里 下分七里

靈芝三都八里四都 四里五都五里 孝女南管五里 北管四里 崇化七都七里 八都上分

六里下分九里 欽賢上分七里 下分七里 定山南管十里 北管五里 長壽里六

安吉里八 以上俱鄉都總之凡一百六十里萬歷舊志 錢塘舊凡

一百六十里每畝田地多寡不均以至徭役分派不一康

熙十年紳衿士民請具

題并為一百三十五里每里各三千畝為準除土石山不在

數內其田畝池蕩基地等項照產當役而法始均錢塘縣志

按各縣鄉里之名備見于咸淳志其里與明時之里數

多寡絕不相侔明時仁和海寧各三百六里數最多於潛十二里昌化十里數最少而咸淳志仁和四十三里鹽官四十五里於潛昌化各里五十有餘明臨安之里不及餘杭之半而咸淳志臨安有九十八里餘杭九里地之墾廢戶之盈縮何至如是懸殊蓋宋所謂里與明時編戶計畝之制未必同也至府城內及負郭之地宋未嘗有里明初以在城者爲坊負郭者爲隅與在野之鄉並置里其制則尤別矣核其異同溯其遷變俾考古者知因時之宜焉

仁和縣

仁和縣十二鄉

太平寰宇記

仁和今管十一鄉芳林鄉管里五

南城 北城 芳林 洞江 會安 肇元鄉管里四

募善 永和 長興 昇平 大雲鄉管里四 永泰

葛墅 仲墅 華墅 豐平鄉管里四 長壽 五杭

博陸 前莊 長樂鄉管里五 赭山 長洲 金浦

崇仁 清河 安仁東鄉管里三 仁和 望江 芳

梅 安仁西鄉管里四 永仁 白石 曲江 常熟

太平鄉管里四 華林 石塘 永安 太平 廉德鄉

管里四 上明 永樂 豐和 新安 永和鄉管里四

華嚴 保林 平湖 義和 臨江鄉管里三 曲江

海門 望潮咸淳志 仁和縣坊八 義和三里 平安五里

東里四里 如松一里 南北壁二里 東西壁三里 義和安國

一里 同德安國一里 以上俱在城 隅二 似蘭四里 會保

六以上俱附郭 鄉十有二 芳林一都一十七保六里二

肇元二都下七保七里三都一十里四都九里五都一十三里六都一十五保五里 大雲六都下五

保六里七都一十里八都一十 豐稔十都下保六里十二里九都四里十都上保六里

都一十一里十 長樂下十四都七里十五都三都一十七里上七保七里今併 永和五

都下三保十里十六都一十四里 安仁東十八都下保十七都五里二十都

下保二 長樂上十九都一十七里 安仁西二十一都一十八里 廉

德二十一都七里二十二都一十七保六里 太平二十三都下三保五里二十四

都九里

臨江

二十四都
一十一里

以上俱鄉都總之凡三百六十里

萬歷

舊籍三百六十里

國朝康熙十一年布政司袁一相頒編審事宜紳民一體當差

槩以三千畝爲一役併作二百四十八里其原里分廣狹

如故

舊志

按嘉靖仁和縣志似蘭隅外尚有會寧保安四板東里
夾城江漲六隅而無會保蓋會保卽諸隅所合併也原
共八里合併爲六里陳善云諸里舊志增添不一各照
見在開載今卽成化志檢之其時仁和屬坊之里有三
十四屬隅之里十三屬鄉之里三百五十一共三百九

十八里較萬歷志多三十有八而嘉靖縣志又兩不相同凡此之類不獨一縣然也因文煩事瑣故不備列

海寧州

鹽官縣舊二十二鄉今九鄉

太平寰宇記

鹽官縣管六鄉時和

鄉管里十 安義 積善 臨門 興平 香花 往義

奉訓 社陂 連堆 返哺 昌亭鄉管里十 賢隱

守義 德政 孝義 義亭 克遜 順孫 郁義

鳳栖 正和 元吉東鄉管里八 乾福 正幹 靈光

節義 牧化 來蘇 擊壤 鼓腹 元吉西鄉管里

七 處仁 時和 招福 會山 靈昌 萬壽 長寧

靈泉鄉管里五 嘉慶 修義 承休 樂正 金牛

長平鄉管里五 擇善 清平 慶善 保家 新安

咸淳志 元初立鄉十里四十五而里各有名後併去蘇臨天

長安化移民四鄉鄉分爲都明因之今通邑隅四鄉六鄉

統鎮都鎮二都三十二以統各里計五百四十八里屢因

崩陷折併存三百五十六里 嘉靖海寧縣志 海寧縣隅四 東南

一里 東北三里 西南三里 西北二里 已上俱在城 鄉六

元西一都七里二都一十三里三都一十二里 元東八

都一十一里十九都二十二里二十一都一十五里 長

平里二十四都一十四里二十五都二十 靈泉七十八都

九都一十二里三十一都二十里
三十都一十一里三十二都十里
時和五都二里六都

八都三里九都
昌亭十一都一十二里十二都一十一
六里十都八里里十三都一十九里十四都一十

一里十五
都十里鎮二長安里二硤石里四已上俱鄉都總之

凡三百六十里萬歷舊志明嘉靖四十四年令許天贈丈量凡

三百五十五里

國朝康熙十一年奉司頒編審事宜槩以三千畝爲一役計併

役得三百有三其里分廣狹如故舊海寧縣志

富陽縣

舊二十五鄉今二十二鄉太平寰宇記富陽縣管十鄉富春鄉

舊名明堂鄉管里二貴樂春明仙山鄉管里三

安辰舊名安吉 長壽 白昇 慈孝鄉管里四 靈泉

開化 崇愛 臨湖 豐義鄉管里三 惠愛 循雉

祥風 臨江鄉管里三 感化 屠山 看潮 惠政

鄉管里三 儀鳳 慶善 慶護 長壽鄉管里三 大

源 望仙 江陰 詠歌鄉管里二 麗景 靈峯 永

豐鄉管里二 洋漲 永寧 義安鄉管里二 善政

棲鶴咸淳志 富陽凡為鄉者十江北四鄉富春鄉舊名明堂

鄉附縣東西為村三管里六坊郭三里貴樂 仙山鄉在縣

北十里為村三管里五安辰二里長壽 慈孝鄉在縣北十

五里為村三管里五開化一里臨湖 豐義鄉在縣西十里

爲村三管里七

惠愛二里馴雉二里祥風三里

江南六鄉詠歌鄉在縣東

三十里爲村三管里八

麗景一里靈峯七里

長春鄉在縣南二十里

爲村三管里十六

太源五里望仙七里江陰四里

惠政鄉在縣南五里爲

村四管里九

太平二里慶善二里慶護二里儀鳳三里

臨江鄉在縣西南三十

五里爲村二管里四

洋張二里永寧二里

永豐鄉在縣南五十里爲

村二管里五

善政二里棲鶴三里

原額十鄉七十三里長壽二里並

屬本縣今長壽一里隸富陽長壽二里改隸錢塘故止七

十二里云

富陽縣志

餘杭縣

舊三十鄉今一十四鄉

太平裏字記

餘杭縣管八鄉安樂鄉管

里一 居賢 欽德鄉管里一 鳳亭 招德鄉管里一

由拳 同化鄉管里一 仙宅 孝行鄉管里一 進

賢 常熟鄉管里一 福安 長安鄉管里一 永泰

止戈鄉管里二 安仁 修義 咸淳志 舊志有五隅屬招德

鄉 在城隅一里東南隅三里西北隅一里東隅界一里北隅界一里 今止東南一東南二

在城一西北一為四隅其東隅北隅今無招德鄉又管四

界今三界 朱橋界二里南建界一里上壽界一里 欽德鄉在縣東南管二界

二保一扇 西舍界一里文山界一里閑林四里五保一里閑林六七保一里閑林東扇二里 安樂鄉

在縣東管四界二保 東塘界一里免函界一里支港界三里徐湖界一里靈源三三保一里靈

源四五 安樂鄉又新增六保 金宋保二里新壩保一里諸葛保一里古俞保一里下阮

通保二里章
鄭保一里 同化鄉成化志作同德鄉在縣西北管三界
郎王界二里盛宅界
一里仙宅界二里 以上號水南四鄉孝行鄉在縣西北
管四界 白社界一里後沓界一里 常熟鄉在縣北管四界
吳市界一里進賢界一里
二扇 山前界二里山後界二里黃坑界二里厚
郎界二里東林東扇二里東林西扇二里 長安鄉在
縣西北管四界 吳山界二里舊市界二里 止戈鄉在縣西
北管四界 同前界二里黃湖界二里 以上號水北四鄉總
之凡七十三里 餘杭
縣志

臨安縣

舊二十六鄉 太平寰宇記 臨安管二十二鄉衣錦南鄉管里五

臨水 安正 宣明 碧落 勲貴 福昌鄉管里五

見賢 積善 自省 思齊 智過 衣錦北鄉管里
四 上林 義成 新溪 高陽 孝感鄉管里五 依
仁 弭平 忠信 遷善 唯孝 臨安鄉管里四 石
瑛 高行 茆山 安業 靈鳳鄉管里五 敬遜 推
畔 道敬 太平 承唐 鳳亭鄉管里五 祥烟 昭
仁 景仁 瑞麥 鳳亭 德義鄉管里五 勤山 證
祥 明昭 至道 新興 新安鄉管里五 靈溪 光
被 石錫 祐山 克遜 金岫鄉管里五 懷思 唐
賢 高行 崇信 志孝 興化鄉管里五 懷音 興
國 歸唐 唐興 祥風 永寧鄉管里五 石門 西

靜 上泉 通德 天目 高陸鄉管里五 猷溪 新

安 門福 清泉 知仁 神龍鄉管里五 大林 石

室 龍墟 教義 永樂 慶仙鄉管里五 垂流一作垂派

硤里 長壽 郭賢 慶仙 國昌鄉管里五 永上

開善 清化 福昌 停雲 慶雲鄉管里五 黃歲

鼓腹 擊壤 光被 和平 大雲鄉管里五 喝山

大儀 千載 永安 永和 天目鄉舊名順化鄉管里

一 招賢 平東鄉管里三 仙溪 安和 上雲 平

西鄉管里二 白石 上平 鳳翥鄉管里三 西隱

崇敬 黃峴咸淳志 宋二十二鄉計九十八里明初併爲

十七鄉計一百一里後改四十六里復增谷昌鳳亭二里
共四十八里

國朝初仍之至康熙十年奉文編審併爲三十二里南北鄉附
郭原名衣錦南鄉衣錦北鄉共九里後併爲一鄉止三里
今仍之安義鄉在縣東原名臨安鄉與德義鄉並一十里
後併爲一鄉止一里今仍之谷昌鄉在縣東原五里後改
四里今二里靈鳳鄉在縣東南原五里後改四里今三里
鳳東鄉在縣西南俗作奉東原與鳳翥鄉共六里後併爲
一鄉二里今仍之慶仙鄉在縣西南原與孝感鄉共一十
里後改爲一鄉二里今仍之新西鄉在縣西南原名新安

鄉七里後改一里今仍之鳳亭鄉在縣西原五里後改二里今仍之福興鄉在縣西原名福昌鄉與興化鄉共一十里後併爲一鄉二里今仍之金岫鄉在縣北原五里後改二里今一里永安鄉在縣北原名永寧鄉五里後改三里今一里高陸鄉在縣北原五里後改七里今四里辰隆鄉在縣北原名神龍鄉五里後改四里今一里慶雲鄉在縣北原五里後改三里今二里天目鄉在縣西北原一里後改二里今仍一里山川鄉在縣東北原三里後改二里今一里大雲鄉在縣東北原五里後改三里今二里

臨安縣志

於潛縣

舊二十二鄉今十四鄉

太平寰宇記

於潛縣管六鄉惟新鄉管

里十二 歸教 新安 文桂 寶城 山鶴 上雲

嘉慶 嘉祥 千秋 奉德 靈林 恭順 嘉德鄉管

里八 甘液 西霞 遵化 擇善 遵遜 遵教 遵

德 遵義 波亭鄉管里八 黃山 齊樂 清渚 新

豐 還風 中興 歸仁 遠固 豐國鄉管里十二

集賢 積善 崇仁 唐谷 還朴 昭訓 豐仁 唐

城 落雲 安樂 義亭 潛川鄉管里八 上元 太

平 胡塘 永昌 樂平 藍田 唐昌 保宇 長安

鄉管里七 信崇 安昌 居義 印渚 大象 金谷

宗化咸淳志

宋六鄉元折爲二十三都二十四里明初吳

元年計戶定爲十鄉革都仍管里洪武時增波亭後鄉潛

川後鄉爲十二鄉管十二里成化後增坊郭革長安後鄉

及管里仍爲十二鄉焉坊郭鄉在縣治成化後所增嘉德前鄉

在縣東北舊管二里曰晝嘉德後鄉在縣北舊管二里曰

不惟新前鄉在縣西北舊管二里曰白惟新後鄉在縣北

舊管二里曰寶波亭前鄉在縣西舊管三里曰大同波亭

後鄉在縣北洪武時增舊管豐國前鄉在縣東舊管三里

居安善今不存豐國後鄉在縣東南舊管三里曰崇仁潛川前鄉

在縣南舊管三里曰尚義潛川後鄉在縣南洪武時增舊

塘湖保字今不存

存
長安前鄉在縣南舊管二里曰印長安後鄉舊管二里曰金谷招

賢今不存
今鄉廢并入長安前鄉於潛縣志

按縣志各鄉下所載里名元時名也元只二十四里名
與宋同者又祇半耳明成化後盡革裁諸里名但以每
一鄉編爲一里得里十一更合以坊郭一里爲十二里

國朝因之

新城縣

舊十四鄉今七鄉南新縣五鄉太平寰宇記新城縣舊管八鄉

後併南新縣四鄉共十二鄉祥禽鄉管里五 白雀 遊

藝 旌德 依化 感化 折桂鄉管里五 光化 永

嘉 龍興 大臻 西嘉 七賢鄉管里四 新城 招

賢 水仙 盡忠 永昌鄉舊名唐昌鄉管里四 芝秀

歸德 安業 嘉祥 新登鄉舊名新城鄉管里五

正素 翊贊 待賢 永定 常樂 太平鄉管里五

高沙 永清 永安 招德 人至 昌東鄉舊名昌德

鄉昌德與鳳翥各爲八鄉之一貞明五年旣割鳳翥鄉隸安國縣因分昌德爲昌東昌西復爲八鄉管里

四 昌德 葛泉 永淳 宣德 昌西鄉管里三 仁

義 永訓 松溪 右號下八鄉新安鄉舊名新登鄉管

里二 昕慈 景山 寧善鄉管里二 昭明 開元

南新鄉管里二 業安 積善 廣陵鄉管里二 石義

湘溪 右號上四鄉舊隸南新縣熙寧五年併新城

咸淳

志 縣凡十五鄉鄉每一里總計十五里城郭鄉屬縣城內
外舊名城郭坊祥禽鄉在縣西一里折桂鄉在縣西三里
七賢鄉在縣西十里永昌鄉在縣北十里新登鄉在縣西
二十里太平鄉在縣南五里昌東鄉在縣北五里昌西鄉
在縣東南十五里昌定鄉在縣東十里廣陵鄉在縣西四
十里東洲鄉在縣西北三十里寧善鄉在縣西五十五里
南新鄉在縣西南七十里南安鄉在縣西七十五里

新城縣志

昌化縣

舊十三鄉今十一鄉

太平寰宇記

昌化縣管四鄉一村永豐鄉

管里十二 道義 肅清 懷惠 隆化 時賓 扶養

金山 唐福 湯山 安樂 唐川 懷感 玉山鄉

管里十一 唐秀 平度 白山 百丈 唐詢 祠山

紫澗 上渡 隱居 習善 金城 吳安鄉管里十

一 會直 方圓 扶善 居貫 祇園 無爲 鼓腹

刑清 擊壤 道泰 孝和 金山鄉管里十四 孝

順 泉山 臨池 至孝 上和 上願 來蘇 玉泉

沈山 安樂 朱鄉 豐樂 新義 孝和 手窰村

管里二 鎮山 孝義

咸淳志

元至元中革村名置巡檢司

分其界爲一十一都隸于四鄉管里十七今存十都管里

共一十耳

成化舊志

昌化縣坊一

坊都

一都一里屬永豐鄉

鄉四

永豐

三都一里

吳安

四都一里五都一里

以上為東二鄉

金山

七都

一里八都一里

玉山

九都一里十都一里十一都一里十二都一里

以上為西二鄉

里之凡一十里

萬歷舊志

按浙江通志昌化縣今仍編戶十里

杭州府志卷四終